

# EDISOBO SODOM YE GOMORRAH

Genesis 18:20-33; 19:1-29

## ỌYỌHỌ UKPEP-ŃKPỌ 10

Eke Ikpọ Owo

**IKỌ IBUOT:** “Ọbọñ ọmọfiọk ndinyaña mmọ emi eteñede Enye nsio ke idomo, ndinyuñ mmum mme idiọk owo nnim ke itie ufen, tutu osim usen ikpe” (2 Peter 2:9).

### I Ediyire Ke Akam

- 1 Abasi ama okop mfiori Sodom ye Gomorrah oto ke ntak udop idiọk-ńkpọ mmọ, Genesis 18:20, 21
- 2 Abraham ama ekpe Abasi ubọk ete edieke edinen owo duop edude ke obio Sodom yak Enye okusobo, Genesis 18:22-32; Exodus 32:30-32; 2 Samuel 24:16, 17; Ẹwẹd Mbon Rome 9:1-3; 10:1
- 3 Abasi ama eyere akam Abraham, Genesis 19:29

### II Ufak Lot

- 1 Lot ama ada mme angel Abasi emi ekedide obio Sodom ọnyọñ ufọk esie, Genesis 19:1-3; Mme Hebrew 13:1, 2; Luke 24:28-31
- 2 Mbon obio Sodom ema eyom ndinam isen owo Lot idiọk edi ema e da utibe odudu ebiọñọ mmọ, Genesis 19:4-11; 2 Ndidem 6:18
- 3 Mme item emi Lot ọkọnọde mbon ufọk esie akakabare edi ńkpọ nsahi, Genesis 19:12-14; 2 Peter 3:3, 4; Matthew 24:42-51; 1 Ẹwẹd Thessalonica 4:8
- 4 Ubọhọ emi okotode Abasi osim Lot ye nditọ iban esie iba edi mbiet ubọhọ emi editańde nditọ Abasi efep ekpọñ Akwa Ukut, Genesis 19:15-17; Matthew 24:40, 41; 1 Ẹwẹd Thessalonica 5:1-9

### III Iyaresit Abasi

- 1 Lot ebeñe ọbọ uńyime ndidibe ke ekpři una-isọñ obio kiet, Genesis 19:18-23
- 2 Ubierikpe ikedighe kaña tutu ndinen owo ebọhọ, Genesis 19:22; Isaiah 26:20
- 3 Abasi ama osobo mme obio ke una-isọñ, oro edi, ufen emi ebietde kpukpru ubierikpe Abasi emi edisimde idiọk-ńkpọ ye mme idiọk owo, Genesis 19:24-29; 2 Peter 2:4-10; Jude 5-7, 15; Eriyarare 6:17
- 4 Ẹwan Lot ọwọñọre ese edem onyuuñ akabare edi adaha inuuñ, Genesis 19:17, 26; Luke 17:28-37.

## SE EKPEPDE EBAÑA

### Odudu Akam

Oto ke ntak edinen-ido Abraham, Abasi asian enye abaña nsobo emi akanade osim Sodom ye Gomorrah. Do ke Sodom ke eyen eyeneka Abraham, kpa Lot okodu. Okoto ke enyene-ndik idiọk-ńkpọ emi mme andinyene obio oro ekenamde ekesin Abasi ayat esit onyuuñ aduak ndisọhi mmọ mfep ke iso isọñ (Se ke Ezekiel 16:49-50). Abraham ama edighe ke abaña etop oro, onyuuñ ọtọñọ usọp-usọp ndikpe Abasi ubọk okusobo obio Sodom. Abasi ama onyime nditre ndisobo Sodom edieke edinen owo aba ye duop edude. Ekeme ndidi Abraham ama otim ọfiọk abaña mkpọsọñ idiọk-ńkpọ emi mbon obio oro ekenamde, koro ke mkpe-ubọk esie enye ama eyire ekpe ubọk abaña tutu Abasi onyime ete edieke idikutde edinen owo duop ke iyetre ndisobo obio Sodom.

Edi akwa ńkpọ nsọñ-idem ọnọ kpukpru mme ọbọñ akam nnọ odu uwem Abasi ndifiọk nte ke ediwak ini ubierikpe Abasi ekeme ndimana mbighi mme nditre oto ke ọkpọsọñ ediyire ke akam edinen owo Abasi kiet. “Mkpe-ubọk edinen owo enyene odudu eti-eti ndinam ńkpọ” (James 5:16). Abasi ikpọñ ọdiọñọ ibat iren ye iban ke mme emana ye emana emi ebọhọde mkpa ye ubiak hell oto ke mme akam mmọ emi emade mmọ eti eti, ke ediyire Abasi ete onim uwem ye ukpọñ mmọ tutu mmọ ekabare ekpọñ mme idiọk-ńkpọ mmọ. Ke

ndiok iso obio Sodom, ye mme obio emi ekedude ke una-isoñ oro, okposuk edi nte Abraham okobonide akam, edinen owo duop ikoduhe ke Sodom, ke ntre ubierikpe Abasi ama etiene mmọ oyohoyohọ.

### **Mme Asaña Utom Ke Ini**

Abasi ama odon mme angel iba eka Sodom, ndusuk nditim mfiok idaha Lot ke obio Sodom, ndinyun nnyaña enye nsio ke nsobo eke edidide. Lot, sia enye okodude ke enyin-usun inua otop obio, ama odion ete ke mmọ edi isen-owo onyun odohọ mmọ editie ye imọ. Ama ofon nte Lot okowutde mme isen-owo oro utọ ido owo Abasi oro. Enye ikodionke ete ke mmọ ekedi mme angel Abasi, ikodionke ibaña nsobo eke akanade osim obio, ikofioke ite ke mmọ ekedi ke ntak oro, edi eti edu ye mfonido esie ama ada akamba udori okoneyo oro onọ enye. Imotim ifiok ke emi ite ke andiwet Nwedi Mme Hebrew ama enyene nkpọ emi ke ekikere ke ini enye okonode ndito Hebrew emi ekedide mme anditiene-Christ item ete “yak ima mbufo ye ndito-ete osuk amana ada. Ekufre ndikama isen owo, koro ndusuk owo ema esaña ntem eda mme angel eduk ufok, idionke” (Mme Hebrew 13:1, 2). Iko Abasi anam ifiok ite ke okoto ke akam Abraham enyaña Lot esio ke nsobo Sodom ye Gomorrah (Se Genesis 19:29). Edi Lot ama ekeme ndikpokofumi mme angel Abasi, nnyun nsin ndikpan uton nno ntot, nnyun mfehe, nnyun ntak okposuk edi ufak akanade onọ enye kpa nte ukot esie ekesinde.

### **Usun Uboho**

Okposuk edi nte akam edinen owo ediwak ini edibionde ndusuk ubierikpe Abasi nditibe ke ediwak isua, edi usen unam ibat eyedi. Edieke efumide usun uboho, ndien nkpọ ndomo kiet isuhoke ibohoke ndibo nnen-nnen iyaresit Abasi. Odu ediwak iren ye iban emi edude ke idak ukpeme mme ete ye eka emi efioke Abasi enyun ekori eworo ikpo owo edi inyeneke erinyaña ukpon emi ekekpepepe mmọ toho ke uyen. Ediwak ini mmọ edoho ete ke akam mme ete ye mme eka mmọ eyeñwam mmimọ ndien ke oro ekem. Akam ete ye eka ikemke ndino baba owo kiet erinyaña ukpon. Mme akam oro ekeme ndinyik owo ndibiere ndibo mme ndisin erinyaña Abasi; mme akam oro ekeme ndisik mme usen ibat nnim ke iso, mme akam oro eyeyire Abasi ukem nte akam Abraham akanamde ke abaña eyen eyen-eka esie Lot; edi uwem ye ukpon Lot akpakatak edieke enye mikpekefeheke ye mme angel Abasi emi ekedide ebine enye.

Iyip Christ emi eyetde mme idiok-nkpọ ke ukpon edi usun emi Abasi onimde onọ uduot owo ndiboho ubierikpe emi Abasi oyomde ndida ntiene ererimbot. “Koro Abasi mikonimke nnyin ino iyaresit, edi okonim nnyin ete ibo erinyaña ke Obon nnyin Jesus Christ” (1 Nwedi Thessalonica 5:9). Noah ama oboho mmọ ukwo, oto ke ubom emi enye okobopde nte Abasi eketemede okonyun adade enye usun; edifak ndito Israel nsio ke Egypt, ye ukpeme ke idiok udoho ye mkpa emi okowotde ndito Egypt, ye edifak Lot nsio ke Sodom, kpukpru edi mbiet erinyaña ukpon edinen owo ke usen akpatre ubierikpe emi edidide itiene ererimbot ye kpukpru idiok-nkpọ. Jesus ama onọ mme andikop iko Esie ntot ke abaña mme nkpọ emi, ama etin onọ mmọ abaña mme ibak-ibak edinam mbon eyo Noah ye Lot, onyun ete ke ntre ke editie ye mmọ ke akpatre edieke mmọ mikabakere esit ikpon mme idiok-nkpọ mmọ.

Ke ini kpukpru nkpọ edisimde utit, Jesus eyefiak edi editan ikot Esie onọ Idem Esie. Ndinen owo emi ekekpepepe eyeset eduk ke nsinsi uwem, ndien eyetan mme ndisana ndito Abasi emi edude uwem edok ke enyon ye mmọ ndisobo ye Christ ke ofum; edi mme idiok owo emi ekekpepepe etre ndidu uwem tutu tosin isua ebe (Eriyarare 20:5, 6).

### **Eti Nwan Lot**

Lot ama oboho efehe oworo ke Sodom ye uwem esie, okonyun enyene ndikpon kpukpru mme inyene ison esie ke edem. Ata andinim Christ ke akpaniko enyene mme nkpọ uto ke esit esie emi mme ino mikemeke ndibun nduk nyip, uta-nkpọ ye nkarafan minyun ibiatke (Matthew 6:20).

Okposuk edi Lot ekedide edinen owo, enye ama enyene inyene ke Sodom, ndien kpukpru ema etak ke ini nsobo osimde obio oro. Abraham, owo Abasi, eyen-eka ete esie ama emek se ikofonde, ndien ama onim inyene esie ye Abasi. Abraham ama emek mme nkpọ Abasi, kpa nkpọ spirit, ke inyene esie, ndien mmọ esuk edi udeme esie tutu osim mfin emi. (Se John 4:36). Enye odok utip esie tutu ke nsinsi uwem, ke ini ikan amakata mme utom Lot, ndien enye ke idem esie osuk esisit akpatak (Kot 1 Nwedi Corinth 3:10-15).

Ema eno Lot ye mbio ufok esie item ete efehe ekpon una-ison oro, ekuwonore ese edem. Nwan Lot ama atuak ada ke isan itok esie owuk enyin ese obio emi mmọ ekefenede ewon, onyun akabare adaha inun.

Inyene esie okosuk odu ke obio ndien ke ini enye mikomumke idem esie ikama itre ndise edem, ubierikpe Abasi osim enye “Koro ọtọ nte ñkpọ-uto fo odude, do ke esit fo edinyuñ odu” (Matthew 6:21).

Ke ema ekenyaña owo esio ke idiok-ñkpọ, ikpanaha “ewoñode ese edem” efiak etiene akani uwem, koro oro ediwoṛọ idiok-ñkpọ. Jesus eneñere ọnọ mme andikpañ utọñ nnọ Enye ntọt ke abaña ubierikpe emi edide etiene ererimbot; ndien ada uwut ñkpọ ke idem ñwan Lot, emi ekesede edem, nte ntọt ọnọ mme ndisime emi edisuk etiede ekut nte nsobo edide: ndien etre ndinam ikot ye edimek mmọ ọsọñọ ada. Ke ini efen Jesus ama ọnọ mme andikop ikọ Esie item ete “Baba owo kiet emi akabarede ese edem, ke enye ama ekesin ubok ke ufuñ-isọñ, ikemke ndinam utom ubọñ Abasi” (Luke 9:62). Peter kpa ke ukem usuñ oro ama ọnọ ntọt abaña ñkpọ ndik emi odude ke ediwoñore nse akani uwem idiok-ñkpọ “Koro edieke mmọ ema ekesaña ke ifiok Qbọñ ye Andinyaña nnyin Jesus Christ ebọhọ se isabarede owo uwem ke ererimbot, ndien mmọ etoñọ ntak ekomọ ke esit, enyuñ eyak ñkpọ oro akan mmọ ubok, akpatre itie mmọ akabare ọdiok akan akpa. Ọkpọfọn ye mmọ ndikpetre ndifiok usuñ edinen ido akan ndifiok mma, ndien ndiwoñore ñkpọñ edisana ibet eke enode mmọ” (2 Peter 2:20, 21). Ntre ke eketie ye ñwan Lot emi ọkwoñorede ese Sodom ndien ọduok ifet esie ndibọhọ, onyuñ ọduok uwem ye ukpọñ esie, ndien toñọ oro akabare edi uwut ñkpọ mfiak edem.

### **“Eti Ñwan Lot”**

#### **MME MBUME**

- 1 Abraham akanam didie ọfiok ete ke eyebiat Sodom ye Gomorrah?
- 2 Ntak emi Abraham ekererede abaña eyen eyen-eka esie Lot?
- 3 Nso ke enye akanam ndinyaña uwem Lot?
- 4 Nso mbubehe ke mme angel iba ekenyene ke Sodom?
- 5 Ntak emi Lot akadade mme angel iba aka ufok?
- 6 Ntak emi mme ukot Lot mikonimke ntọt esie ke akpanikọ?
- 7 Ke nso usuñ ke ubọhọ Lot ke Sodom ebiet ntañ-ndok nditọ Abasi?
- 8 Ntak emi ñwan Lot ekesede edem?
- 9 Nso ikotibe inọ ñwan Lot?
- 10 Ntak emi Jesus ọkwoñode mbon oro ekekopde ikọ Esie ete eti ñwan Lot?